

東條文左衛門著

嘉永三年庚戌九月刻成

京都三条通升屋町

出雲寺文次郎

同 寺町通五条上町

勝村 治右衛門

大坂心齋橋通安堂寺町

秋田屋太右衛門

同 北久太郎町

河内屋喜兵衛

水戸下町本三町目

須原屋安次郎

海内

江戸芝神明前

岡田屋嘉七

同所

和泉屋吉兵衛

發弘

同 十軒店

英 大 助

同 日本橋通二町目

山城屋佐兵衛

同 横山町三町目

和泉屋金右衛門

書林

同 日本橋通壹町目

須原屋茂兵衛

同 通二町目

須原屋新兵衛

同 通四町目

須原屋佐助

同 神田通新石町

須原屋源助

同 淺草茅町二町目

須原屋伊八梓

清二京十八省疆域全圖自序

昔者蕭何先入秦宮。獨收丞相御史之圖籍。漢祖具知天下阨塞戶口之多少。徐達進取元都。急封政府察院之簡牒。明祖坐定海內。幅員華夷之巨細。地理學不可不講矣。愛新覺羅氏努爾哈齊。始以甲士十三人起自漠北。削平諸部。遂據滿洲。是爲太祖高帝。其子皇太極。能承先業。宏恢疆土。建國號清。若薩哈爾。卦爾察。瓦爾喀。虎爾哈等。無敢抗者。貢獻稱臣。籠絡益弘。是爲太宗文帝。皆在滿洲。至世祖章帝。偵伺明運之迫蹙。撫援華夏之衰弱。始入燕京。自是以降。聖祖仁帝。文教武威。徧薄寰宇。摧陷廓清。重熙之化。卓絕前古。世宗憲帝。繼述丕緒。無復遺蘊。高宗純帝。親征朔方。又使諸臣以次平定兩金川。準噶爾。廓爾喀。緬甸。臨清。石峰臺。灣等。王師一舉。電擊風靡。拓地西北幾三萬里。區域之富庶。徼陞之巨博。張蹇之所未及知。都實之所未探討。威德覃敷。盡入版圖。北至廓爾喀。鄂羅斯。西極圖伯特。印度。東逮山丹。朝鮮。南抵琉球。媽港。梯山航海。舟車所通。靡遠不屆。猗與盛哉。蓋上自畫野分州。建牧設服。下暨綜領荒徼。羈縻遐裔。規模經理。各有一代之制。其汗隆之差。沿革之等。廣袤小大。按圖覽籍。可以論也。特至滿清之混壹華夏。開擴新疆。南北二萬里。東西三萬五千里。附屬之衆。統轄之多。冠於五大洲矣。隔在極西。羨希產貨。貿易是務。僅以互市。育其民人者。豈能企及哉。今時之人。雖講究地理之學。疎忽此近。精密彼遠。概以西洋諸州之所說。而欲詳記歐邏巴諸州之限界。悉認其幅員之廣狹。是所謂隔痒之類也耳。斯圖以辨知內地二京十八省之位置。幅員爲主。優於讀史者。夫唐宋以上。歷代坤輿。先輩既有成書。至滿清之隩隅。茫乎無知。豈不左乎。吾徒之士。能讀清人書。不精覈其督府之所犬牙。山河之所鱗接。則不足以識天下之形勢矣。今披斯圖。府廳之統制。可以知。州縣之衆寡。山川之紆曲。可以識。輪漕之險夷。而後愛新覺羅氏混壹華夏。開擴新疆之故。如眎諸掌。不待獨收圖籍。急封簡牒之手段。亦有於此乎。

嘉永元年歲在戊申十月旣望 琴臺老人東條耕題



清二京十八省疆域全圖總目

華夷一統總圖 附二京十八省版圖幅員略說 唐宋以來避諱改州縣略說

二京十八省總圖

京師全圖

盛京全圖 附吉林全圖 黑龍江全圖

直隸省全圖

山東省全圖

山西省全圖

河南省全圖

江蘇省全圖

安徽省全圖

江西省全圖

浙江省全圖

福建省全圖

湖北省全圖

湖南省全圖

廣東省全圖

廣西省全圖

陝西省全圖

甘肅省全圖

四川省全圖

雲南省全圖

貴州省全圖

按清會典日下舊聞考等貴州之後載內薩諸蒙古部落喀爾喀四部落青海四部落西域總疆西藏門部落等全圖說皆無裨益於我土學者之考援皆刪除之不可就見焉記若欲識西域總疆有七十一西域聞見錄既刊行之

○華夷一統總圖 斯圖所記位置諸書不同姑從廣輿記一統志等之所載今不能詳較彼此之短長諸家之得失覽者有能所識是正誤謬幸甚

世之論疆域者皆以秦隋混一寰宇為大一統雖然不過九州之外五千里元以蒙古起於沙漠誕有南北四履之遠亘古無比肩之者北過陰山幹海南踰嶺表火州西極流沙星宿東及遼左女直王存祝穆等所失及知之也明中葉始識極西之諸國各有所記是為地理學之所興起也滿清混一遠過於元斯圖據高

宗所敘撰其他若南懷仁坤輿圖說陳倫炯海國聞見錄顧祖禹方輿紀要陸次雲八紘繹史蔣友仁地球圖

說等皆勘考之其所記載不能無異同故姑從各書之所謂要之唐山人誇其疆域之廣失之於荒誕者不一而足讀之者宜知其概略東西連續南北遐邇相斜至者多矣方位安置不能詳較其廣狹



全地球中獨立之國十有三我

皇國漢土西洋人呼支那都兒格意太里亞伊斯把泥亞佛蘭西波爾杜瓦爾和蘭啖咭利獨逸弟那瑪爾加蘇亦齊亞鄂羅斯近時改呼魯齊亞餘皆有所屬附滿清與鄂羅斯疆域最大云

愛親覺羅氏二京十八省版圖幅員略說

滿清德威暢宣文軌大同幅員之盛振古未嘗有也京師居天下之中其南曰直隸省是為畿輔其東曰盛京盛京之北曰吉林又北曰黑龍江是為東三府畿輔之南其省三曰山東曰山西曰河南山東省之南為兩江其省三曰江南之江蘇曰江南之安徽又曰江西兩江之東南為閩浙其省二曰福建曰浙江河南省之西南為湖廣其省二曰湖北曰湖南山西省之西為陝甘其省二曰陝西曰甘肅陝西之南其省一曰四川江西與湖南省之南為兩廣其省二曰廣東曰廣西四川省之南為雲貴其省二曰雲南曰貴州甘肅省之西為青海四川省之西為西藏長城之外盛京與直隸山西陝西省之北為內蒙古六盟四十九旗及察哈爾八旗游牧踰瀚海而北為外蒙古喀爾喀四部八十六旗游牧其西為科布多其北為唐努烏梁甘肅省之北為阿拉善額濟納二旗游牧踰瀚海而西為伊犁大海自鴨綠江口西襟盛京南京師直隸東南又襟山東之北而東又南襟江南浙江之東又東襟福建之東折而襟其南又西襟廣東之南接越南國境大江出四川之岷山東行經湖北湖南江西安徽江蘇入於海其西源曰金沙江出青海東南行經雲南折北至四川會於江漢水出於陝西之嶓冢山東南行至湖北會於江黃河出青海之噶達素

齊老山。東北行經甘肅出長城折東。而北環內蒙古鄂爾多斯旗。是爲河套入長城經陝西東山。西西復折而東。經河南山東江蘇入於海。淮出河南之桐柏山。東行經安徽江蘇會於河。濟出河南之王屋山。南行經盛京入於海。灤河出直隸邊外。南行入長城入於海。混同江二源。曰松花江。曰嫩江。松花江出吉林。北行出邊折東北。經伯都訥會嫩江。又經拉林阿勒楚喀呼蘭三姓入於海。嫩江出黑龍江所屬墨爾根南行。經布特哈齊齊哈爾。會於松花江。黑龍江出喀爾喀車臣汗部東行。經尼布楚呼倫貝爾雅克薩。折東南經烏魯木齊黑龍江愛琿三姓。會於混同江。運河在浙江江蘇。引太湖踰江。引洪澤湖踰黃河。經山東直隸。引沂河汶河衛河漳河會於淀。桑乾河出山西東行。經直隸折東南經京師。西爲永定河。亦會於淀。浙江出安徽東行。經浙江入於海。閩江出福建東行入於海。粵江三源。西出雲南東行。經貴州廣西廣東。會北江東江入於海。色楞格河。扎布噶河。在喀爾喀游牧。大克穆河。在唐努烏梁海。額爾齊斯河。在科布多。伊犁河。塔里木河。在伊犁。金沙江之西。曰瀾滄江。曰喀喇烏蘇河。曰雅魯藏布河。俱在西藏。極東三姓所屬海中大洲。偏東三十一度二十分。極西喀什噶爾葱嶺之西。偏西四十七度。極北唐努烏梁海托羅斯嶺。北極高五十六度四十分。極南廣東瓊州府之崖州。北極高十八度十三分。凡東西相距七十八度有奇。南北相距三十八度有奇。由是可以知內地形勢矣。

唐宋以來避諱改州縣略說

歷代避諱。改州縣名稱者尤多矣。今舉唐宋以下者。唐高祖諱淵。改長淵縣曰長水。澶淵曰澶水。太宗諱世民。改萬世縣曰萬歲。富世曰富義。興勢曰興道。玄宗諱隆基。改隆州曰閬。隆化縣曰賓化。隆盈曰盈川。唐隆曰唐安。隆山曰彭山。昌隆曰昌明。隆康曰普康。隆平曰太平。隆安曰崇安。隆龕曰崇龕。基城曰祐州。代宗諱預。改豫州曰蔡。宿豫縣曰宿遷。樂預曰樂山。豫章曰鍾陵。豫寧曰武寧。德宗諱适。改适州曰處州。括蒼縣曰麗水。憲宗諱純。改純化縣曰慕化。純義曰正義。淳州曰蠻。還淳曰青溪。淳風曰從化。穆宗諱恆。改恆州曰鎮。恆陽縣曰曲陽。五代之君亦有改革者宋太祖諱匡胤。改匡城縣曰鶴邱。允山曰平蜀。太宗諱光義。改義陽軍曰信陽。義武曰定安。昭義曰昭德。崇義曰崇信。保義曰保平。感義曰感德。彰義曰彰化。南義州曰南儀。孝義縣曰中陽。義川曰宜川。義興曰宜興。義章曰宜章。彬義曰桂陽。通義曰眉山。方義曰小溪。義賓曰宜賓。義寧曰信安。全義曰興安。信義曰信宜。義倫曰宜倫。義清曰中廬。歸義曰歸信。豐義曰彭陽。招義曰招信。正義曰蒙山。富義曰富順。仁宗諱禎。改禎州曰惠。永貞縣曰永昌。湏陽曰真。湏昌曰保昌。神宗諱頊。改旭州縣曰榮德。孝宗諱昚。改慎縣曰梁。理宗諱昀。改筠州曰瑞州。又天聖元年。章獻后父諱通。改淮南之通州爲崇。蜀之通州爲達。通利軍曰安利。通化縣曰金川。其餘猶多。金太祖諱旻。改岷州曰西和。章宗諱璟。改景州曰觀。睿宗諱宗堯。改宗州曰瑞。宗安縣曰瑞安。紹王名允濟。改濟陽縣曰清。永濟曰豐潤。顯宗諱允恭。改恭城縣曰河平。元一統皆依舊明成祖諱棣。改滄州之無棣曰慶雲。樂安州之無棣曰海豐。神宗諱翊鈞。改鈞州曰禹州。光宗諱常洛。改洛南縣曰雒南。唐宋之所改比之漢魏最爲煩夥。講究地理者。不可不察。清聖祖諱玄曄。玄改爲元。世宗諱胤禛。胤改爲允。高宗諱弘曆。弘改爲宏。仁宗諱永琰。永改爲長。讀清人書者。是亦不可不識。故及于此云爾。

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>